

საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო

კონკურსის მეშვეობით საპროექტო მომსახურების სახელმწიფო შესყიდვა

წინამდებარე საკონკურსო პირობები შედგენილია „სახელმწიფო შესყიდვების შესახებ“ საქართველოს კანონისა და „კონკურსის მეშვეობით საპროექტო მომსახურების სახელმწიფო შესყიდვის პირობებისა და წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 10 თებერვლის №3 ბრძანების საფუძველზე

ქ. თბილისი
2013 წელი

საკონკურსო განცხადება

1. საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო აცხადებს კონკურსს ქ. ხობის რაიონ სოფელ ხეთაში მდებარე დევნილთა კომპაქტურად განსახლების ობიექტის („პროფტექნიკუმი“) ორი კორპუსის გარე კანალიზაციის აღსადგენად ჩასატარებელი სამუშაოებისთვის (გამფილტრავი სადგურის მოწყობა) საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდების მომსახურების სახელმწიფო შესყიდვაზე და კონკურსში მონაწილეობის მისაღებად იწვევს ყველა დაინტერესებულ პირს.

2. სამინისტროს მიერ ცხადდება კონკურსი წინამდებარე საკონკურსო დოკუმენტაციაში მოცემული გარე საკანალიზაციო მეურნეობის მოწყობის სამუშაოების ჩატარებისთვის საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდების მომსახურების სახელმწიფო შესყიდვაზე, რომლის საწყისი საერთო სავარაუდო ღირებულება განსაზღვრულია **1 500.0 (ერთი ათას ხუთასი ლარი)** ლარის ოდენობით.

2. ელექტრონული კონკურსის მიზანი:

2.1. ქ. ხობის რაიონ სოფელ ხეთაში მდებარე დევნილთა კომპაქტურად განსახლების ობიექტის („პროფტექნიკუმი“) ორი კორპუსის გარე კანალიზაციის აღსადგენად ჩასატარებელი სამუშაოებისთვის (გამფილტრავი სადგურის მოწყობა) საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდება;

2.2. გამარჯვებულმა კონკურსანტმა უნდა უზრუნველყოს ქ. ხობის რაიონ სოფელ ხეთაში მდებარე დევნილთა კომპაქტურად განსახლების ობიექტის („პროფტექნიკუმი“) ორი კორპუსის გარე კანალიზაციის აღსადგენად ჩასატარებელი სამუშაოებისთვის (გამფილტრავი სადგურის მოწყობა) საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდება. აღნიშნული დოკუმენტაცია წარმოდგენილი უნდა იქნეს იმ სახით და მოცულობით, რომ შესაძლებელი იყოს მის საფუძველზე შესასრულებელი სამუშაოების სახელმწიფო შესყიდვის განხორციელება მოქმედი კანონმდებლობის და გავრცელებული პრაქტიკის შესაბამისად.

2.3. გამფილტრავი სადგური უნდა მოემსახუროს ქ. ხობის რაიონ სოფელ ხეთაში მდებარე დევნილთა კომპაქტურად განსახლების ობიექტის („პროფტექნიკუმი“) ორივე შენობას.

2.3. კანალიზაციის აღსადგენად ჩასატარებელი სამუშაოებისთვის (გამფილტრავი სადგურის მოწყობა) საჭირო სრული და დეტალური საპროექტო-სახარჯთაღრიცხვო დოკუმენტაცია უნდა შეიცავდეს:

2.3.1. გამფილტრავი სადგურის (თანდართულ სქემატურ ნახაზზე პირობითად აღნიშნულია პუნქტორით) ტერიტორიასთან მიმზას;

2.3.2. გამფილტრავი სადგურიდან გამოსული გაფილტრული ნაკადის ჩადინებას მიმდებარედ არსებულ დელეში (შეთანხმებას ადგილობრივ შესაბამის სამსახურებთან საპროექტო ორგანიზაციასთან კოორდინირებულად უზრუნველყოფს სამინისტროს ტერიტორიული ორგანო)

2.3.3. შენობების საკანალიზაციო სისტემების გამფილტრავ სადგურთან მიერთებების ოპტიმალურ გადაწყვეტას (შესაძლებლობის შემთხვევაში არსებული გარე კანალიზაციის სისტემების მაქსიმალურად შენარჩუნებას);

3. კონკურსში გამარჯვებული საპროექტო ორგანიზაცია ვალდებულია ადგილზე შეისწავლოს ობიექტის გარე კანალიზაციის საკითხები და საჭიროების შემთხვევაში საპროექტო სამუშაოების პროცესში მოგვმართოს ტექნიკური პირობების აღების აუცილებლობაზე, შემდგომში სავარაუდოდ შესასრულებელი სამუშაოებისა და მასთან დაკავშირებული ხარჯების საპროექტო-სახარჯთაღრიცხვო დოკუმენტაციაში ასახვის მიზნით.

4. სამუშაოების დაგეგმარების პრინციპები უნდა შეესაბამებოდეს საქართველოში მოქმედ სტანდარტებს.

6. ქ. ხობის რაიონ სოფელ ხეთაში მდებარე დევნილთა კომპაქტურად განსახლების ობიექტის („პროფტექნიკუმი“) ორი კორპუსის გარე კანალიზაციის აღსადგენად ჩასატარებელი სამუშაოებისთვის (გამფილტრავი სადგურის მოწყობა) საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდების მომსახურების სახელმწიფო შესყიდვის საწყისი სავარაუდო ღირებულება განსაზღვრულია **1 500.0 (ერთი ათას ხუთასი ლარი)** ლარის ოდენობით. ამასთან აღსანიშნავია, რომ სამუშაოების სავარაუდო ღირებულება სასურველია არ აღემატებოდეს **110 000.0 (ას ათი ათასი ლარი) ლარს**.

6. საკონკურსო წინადადების წარდგენისთვის პირი იხდის საფასურს **50 (ორმოცდაათი) ლარის** ოდენობით. საფასური გადაიხდება კონკურენციისა და სახელმწიფო შესყიდვების სააგენტოს ოფიციალურ ვებ-გვერდზე (www.procurement.gov.ge) მითითებულ ანგარიშზე:

მიმღების ბანკი	სს ბანკი „რესპუბლიკის“ ცენტრალური ფილიალი
ბანკის კოდი: REPLGE22	
მიმღები	სსიპ - „კონკურენციისა და სახელმწიფო შესყიდვების სააგენტო“
მიმღების ანგარიშის №	GE52BR0000010591718543

7. საფასურის გადახდის დამადასტურებელ დოკუმენტში მითითებული უნდა იყოს:

- გადახდის დამადასტურებელი დოკუმენტის უნიკალური ნომერი და გადახდის თარიღი;
- შემსყიდველი ორგანიზაციის დასახელება და საიდენტიფიკაციო კოდი;
- კონკურსანტის დასახელება და საიდენტიფიკაციო კოდი;
- საკონკურსო განცხადების კონკურენციისა და სახელმწიფო შესყიდვების სააგენტოს ოფიციალურ ვებგვერდზე გამოქვეყნების შედეგად განცხადებისთვის მინიჭებული უნიკალური ნომერი.

8. საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს არ განიხილება. ამასთანავე, ამ განცხადების მე-5 ან მე-6 პუნქტების დარღვევით წარდგენილი საფასურის გადახდის დამადასტურებელი დოკუმენტის შემთხვევაში პირის საკონკურსო წინადადება **დისკვალიფიცირებული იქნება.**

9. წარმოდგენილი საკონკურსო წინადადება მოქმედებს კონკურსში გამარჯვებულ კონკურსანტთან ხელშეკრულების დადებამდე.

10. საკონკურსო წინადადებით გათვალისწინებული ყველა დოკუმენტი და ინფორმაცია წარმოდგენილი უნდა იქნეს ქართულ ენაზე და დამოწმებული (ხელმოწერა, ბეჭედი) - უფლებამოსილი პირის მიერ.

11. საკონკურსო წინადადები წარმოდგენილი უნდა იყოს **დალუქული კონვერტით მისამართზე - ქალაქი თბილისი, თამარაშვილი ქ. №15ა, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს კანცელარია. წერილი დოკუმენტაციის წარმოდგენის თაობაზე შედგენილი უნდა იყოს სამინისტროს სატენდერო (საკონკურსო) კომისიის თავმჯდომარის (მინისტრის პირველი მოადგილე - გოგო ფაცაცია) სახელზე.**

12. საკონკურსო წინადადების მიღება მთავრდება 2013 წლის 16 სექტემბერს 14:00 საათზე. დაგვიანებით წარმოდგენილი საკონკურსო წინადადება არ განიხილება.

13. ანგარიშსწორება განხორციელდება გაწეული მომსახურების სრულად მიწოდების შემდეგ, უნაღდო ანგარიშსწორების ფორმით, ეროვნულ ვალუტაში (ლარი), აღნიშნული სახელმწიფო შესყიდვის განხორციელების თაობაზე გაფორმებული მიღება-ჩაბარების აქტის და კანონმდებლობით გათვალისწინებული სხვა შესაბამისი დოკუმენტაციის საფუძველზე **20 (ოცი) კალენდარული დღის ვადაში.**

14. მომსახურების მიწოდება განხორციელდება წინამდებარე საკონკურსო განცხადებით და თანდართული სახელმწიფო შესყიდვის ხელშეკრულების პროექტით დადგენილი პირობების შესაბამისად.

15. საკონკურსო წინადადებასთან ერთად კონკურსანტმა უნდა წამოადგინოს:

- ინფორმაცია დოკუმენტაციის მიწოდების ვადის შესახებ;
- ინფორმაცია ანგარიშსწორების პირობების შესახებ;
- რეკვიზიტები.

15.1. საკონკურსო წინადადება უნდა შეიცავდეს:

- 15.1.1. საკონკურსო წინადადების ფასს;
- 15.1.2. გამფილტრავი სადგურის კონსტრუქციული გადაწყვეტის ზოგად მიმოხილვას.
- 15.1.3. არქიტექტურული დაგეგმარების კონცეფციას;

16. კონკურსანტის არქიტექტურული დაგეგმარების კონცეფცია უნდა შეიცავდეს სულ ცოტა შემდეგ ინფორმაციას:

- მუშა ნახაზები;
- ჭრილებს;

17. გამარჯვებულმა კონკურსანტმა უნდა წამოადგინოს საბოლოო დოკუმენტაცია იმ სახითა და მოცულობით, რომ შესაძლებელი იყოს მის საფუძველზე შესასრულებელი სამუშაოების სახელმწიფო შესყიდვის განხორციელება საქართველოში მოქმედი წესებისა და გავრცელებული პრაქტიკის შესაბამისად:

- მუშა ნახაზები;
- ჭრილები;
- მოქმედი სამშენებლო წესებითა და გავრცელებული პრაქტიკით გათვალისწინებული სხვა აუცილებელი დოკუმენტაცია.

18. საკონკურსო წინადადება, რომლის ფასი აღემატება შესყიდვის სავარაუდო ღირებულებას - **1 500.0 (ერთი ათას ხუთასი ლარი)** ლარს, არ განიხილება.

19. საკონკურსო წინადადების შეფასება და გამარჯვებული კონკურსანტის გამოვლენა მოხდება **10-ქულიანი** შეფასების სისტემით, შემდეგი კრიტერიუმების გათვალისწინებით:

- **სრული დაგეგმარების არქიტექტურული კონცეფცია: კოეფიციენტი – 0,4;**
- **საკონკურსო წინადადების ფასი: კოეფიციენტი – 0,6.**

20. კონკურსანტი გამარჯვებულად ჩაითვლება, თუ მას საკონკურსო კომისიის წევრები ყველაზე მაღალ ჯამურ ქულას მიანიჭებენ. ქულათა თანაბრად განაწილების შემთხვევაში გადამწყვეტია საკონკურსო კომისიის თავმჯდომარის მიერ მინიჭებული ქულა.

21. საკონკურსო კომისიას შეუძლია მოახდინოს იმ საკონკურსო წინადადების დისკვალიფიცირება, რომლის მიერ წარმოდგენილი სრული დაგეგმარების არქიტექტურული კონცეფცია მიუღებელი იქნება ესთეტიკური ან/და კონცეპტუალური თვალსაზრისით.

22. გამარჯვებულმა კონკურსანტმა საკონკურსო პირობებით გათვალისწინებული საბოლოო დოკუმენტაცია უნდა წარმოადგინოს **ხელშეკრულების გაფორმებიდან 10 (ათი) სამუშაო დღემდე** ვადაში.

23. შემსყიდველი იტოვებს უფლებას, საჭიროების შემთხვევაში ცვლილებები შეიტანოს წინამდებარე საკონკურსო დოკუმენტაციაში.

24. გამარჯვებულმა კონკურსანტმა საბოლოო დოკუმენტაციის შედგენისას მჭიდროდ უნდა ითანამშრომლოს შემსყიდველთან და გაითვალისწინოს მისი შენიშვნები და წინადადებები. პროექტის შედგენის მიმდინარეობა შემსყიდველთან განხილული უნდა იქნეს არანაკლებ კვირაში ორჯერ მაინც.

25. გამარჯვებულმა კონკურსანტმა საბოლოოდ დაზუსტებული საპროექტო-სახარჯთაღრიცხვო დოკუმენტაციის მიწოდება უნდა განახორციელოს როგორც წერილობითი (ორი თანაბარი იურიდიული ძალის მქონე, დამოწმებული საპროექტო და სახარჯთაღრიცხვო დოკუმენტაცია), ისე ელექტრონული ფორმით. ამასთან, ელექტრონული ფორმით წარმოდგენილი დოკუმენტაციის თითოეული, მახასიათებლების მიერ დაჯგუფებული, სამუშაო ფაილის ზომა არ უნდა აღემატებოდეს 8 (რვა) მეგაბაიტს.

26. სამინისტროს საკონკურსო კომისიას უფლება აქვს, ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე, საქართველოს სახელმწიფო ან/და საზოგადოებრივი ინტერესებიდან გამომდინარე.

27. შემსყიდველი არ არის ვალდებული, აუნაზღაუროს კონკურსანტს შესყიდვაში მონაწილეობასთან დაკავშირებული ხარჯები.

28. კონკურსანტს დამატებითი განმარტებების (ინფორმაციის) მიღება შეუძლია შემდეგ მისამართზე: ქალაქი თბილისი, თამარაშვილი ქ. №15ა, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო.

შენიშვნა:

საკონტაქტო პირები:

- კონკურსის მიმდინარეობის საორგანიზაციო საკითხებზე - **მაიკო მიქაია, ტელ.: 2 31 15 80,**
- საპროექტო-სახარჯთაღრიცხვო დოკუმენტაციის შედგენის და დაგეგმარების არქიტექტურული კონცეფციის საკითხებზე - **გია ნაჭყებია, ტელ: 599 035437.**

ტექნიკური დავალება

შესყიდვის ობიექტი:

1. ქ. ხობის რაიონ სოფელ ხეთაში მდებარე დევნილთა კომპაქტურად განსახლების ობიექტის („პროფტექნიკუმი“) ორი კორპუსის გარე კანალიზაციის აღსადგენად ჩასატარებელი სამუშაოებისთვის (გამფილტრავი სადგურის მოწყობა) საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდება.

2. ტექნიკური დავალება

2.1. ქ. ხობის რაიონ სოფელ ხეთაში მდებარე დევნილთა კომპაქტურად განსახლების ობიექტის („პროფტექნიკუმი“) ორი კორპუსის გარე კანალიზაციის აღსადგენად ჩასატარებელი სამუშაოებისთვის (გამფილტრავი სადგურის მოწყობა) საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდება, წინამდებარე საკონკურსო დოკუმენტაციის დანართის N1 შესაბამისად;

2.2. გამარჯვებულმა კონკურსანტმა უნდა უზრუნველყოს ქ. ხობის რაიონ სოფელ ხეთაში მდებარე დევნილთა დევნილთა კომპაქტურად განსახლების ობიექტის („პროფტექნიკუმი“) ორი კორპუსის გარე კანალიზაციის აღსადგენად ჩასატარებელი სამუშაოებისთვის (გამფილტრავი სადგურის მოწყობა) საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდება. აღნიშნული დოკუმენტაცია წარმოდგენილი უნდა იქნეს იმ სახით და მოცულობით, რომ შესაძლებელი იყოს მის საფუძველზე შესასრულებელი სამუშაოების სახელმწიფო შესყიდვის განხორციელება მოქმედი კანონმდებლობის და გავრცელებული პრაქტიკის შესაბამისად.

2.3. გამფილტრავი სადგური უნდა მოემსახუროს ქ. ხობის რაიონ სოფელ ხეთაში მდებარე დევნილთა კომპაქტურად განსახლების ობიექტის („პროფტექნიკუმი“) ორივე შენობას.

3. კანალიზაციის აღსადგენად ჩასატარებელი სამუშაოებისთვის (გამფილტრავი სადგურის მოწყობა) საჭირო სრული და დეტალური საპროექტო-სახარჯთაღრიცხვო დოკუმენტაცია უნდა შეიცავდეს:

3.3.1. გამფილტრავი სადგურის (თანდართულ სქემატურ ნახაზზე პირობითად აღნიშნულია პუნქტორით) ტერიტორიასთან მიბმას;

3.3.2. გამფილტრავი სადგურიდან გამოსული გაფილტრული ნაკადის ჩადინებას მიმდებარედ არსებულ ღელეში (შეთანხმებას ადგილობრივ შესაბამის სამსახურებთან საპროექტო ორგანიზაციასთან კოორდინირებულად უზრუნველყოფს სამინისტროს ტერიტორიული ორგანო)

3.3.3. შენობების საკანალიზაციო სისტემების გამფილტრავ სადგურთან მიერთების ოპტიმალურ გადაწყვეტას (შესაძლებლობის შემთხვევაში არსებული გარე კანალიზაციის სისტემების მაქსიმალურად შენარჩუნებას);

4. გამარჯვებულმა კონკურსანტმა უნდა უზრუნველყოს შენობების სარეკონსტრუქციო სამშენებლო-სარემონტო სამუშაოების ჩატარებისთვის საჭირო სრული და დეტალური, საერთაშორისო სტანდარტების შესაბამისი, საპროექტო-სახარჯთაღრიცხვო დოკუმენტაციის შედგენა-მიწოდება. აღნიშნული დოკუმენტაცია წარმოდგენილი უნდა იქნეს იმ სახით და მოცულობით, რომ შესაძლებელი იყოს მის საფუძველზე შესასრულებელი სამუშაოების სახელმწიფო შესყიდვის განხორციელება მოქმედი კანონმდებლობის და გავრცელებული პრაქტიკის შესაბამისად.

2.1.4. საპროექტო-სახარჯთაღრიცხვო დოკუმენტაციის შედგენა სასურველია განხორციელდეს ისე, რომ სამუშაოების სახარჯთაღრიცხვო ღირებულება სავარაუდო ღირებულება სასურველია არ აღემატებოდეს **110 000.0 (ას ათი ათასი ლარი) ლარს.**

3. გამარჯვებული კონკურსანტი (მიმწოდებელი) ვალდებულია შემსყიდველის წერილობითი მოთხოვნის შემთხვევაში უსასყიდლოდ ჩაატაროს გარე კანალიზაციის აღსადგენად ჩასატარებელი სამუშაოების (გამფილტრავი სადგურის მოწყობა) მიმდინარეობის მონიტორინგი, მის მიერ შედგენილი და მიწოდებული არქიტექტურული საპროექტო-სახარჯთაღრიცხვო დოკუმენტაციით დადგენილი ნორმების შესაბამისად, ხოლო აუცილებლობის შემთხვევაში საკუთარი ხარჯებით განახორციელოს საჭირო ცვლილებები.

4. საკონკურსო წინადადების ფასში სრულად უნდა აისახოს კონკურსით გათვალისწინებული საპროექტო-სახარჯთაღრიცხვო დოკუმენტაციის მომზადებასა და მიწოდებასთან დაკავშირებული ყველა ხარჯი, მათ შორის, საქართველოს კანონმდებლობით განსაზღვრული ყველა გადასახადი (მათ შორის დღგ), მოსაკრებელი და გადასახდელი.

5. საპროექტო-სახარჯთაღრიცხვო დოკუმენტაცია შედგენილი უნდა იყოს საქართველოში მოქმედი სამშენებლო ნორმების და სტანდარტების შესაბამისად.

6. კონკურსის შედეგად მიღებული დოკუმენტაციის საფუძველზე ჩასატარებელი სამუშაოების შესრულების პროცესში გამოვლენილი არქიტექტურული ან/და საპროექტო-სახარჯთაღრიცხვო ხარვეზების გამოსწორებას, დამატებითი ანაზღაურების გარეშე, უზრუნველყოფს პროექტის ავტორი.

7. პროექტების პერიოდში საპროექტო დავალებით გაუთვალისწინებელი სამუშაოების შესრულების საკითხი უთანხმდება (წერილობით) შემსყიდველს.

8. საპროექტო-სახარჯთაღრიცხვო დოკუმენტაცია შედგენილი და წარმოდგენილი უნდა იქნეს ისეთი სახით, რომ შესაძლებელი იყოს მის საფუძველზე შესასრულებელი სამუშაოების სახელმწიფო შესყიდვა, ხოლო შემდგომში სამშენებლო-სარემონტო სამუშაოების შესრულება განხორციელდეს საქართველოში მოქმედი წესების, ნორმების და გავრცელებული პრაქტიკის შესაბამისად.

პროექტი

სახელმწიფო შესყიდვის
ხელშეკრულება
N
ქ. თბილისი
--- სექტემბერი 2013 წ.

(„არქიტექტურული და საპროექტო-სახარჯთაღრიცხვო“ მომსახურების შესყიდვა „ელექტრონული კონკურსის“ (-----
-----) საშუალებით)

ვხელმძღვანელობთ რა საქართველოში მოქმედი კანონმდებლობით, ერთის მხრივ საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო (შემდგომში _ შემსყიდველი), წარმოდგენილი ----- სახით და ----- (შემდგომში “მიმწოდებელი“), წარმოდგენილი ----
----- სახით მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ (შემდგომში _ `ხელშეკრულება~) - `სახელმწიფო შესყიდვის შესახებ~ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული `გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე დართული ყველა დოკუმენტით, რომლებზეც ხელშეკრულებაში არის მინიშნებული;
- 1.2. შემსყიდველი ორგანიზაცია (შემდგომში `შემსყიდველი~) - ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. მიმწოდებელი ორგანიზაცია (შემდგომში `მიმწოდებელი~) - ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. ხელშეკრულების ღირებულება - ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. `დღე~, `კვირა~, `თვე~ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

მუხლი 2. ხელშეკრულების საფუძველი

ელექტრონული კონკურსის საშუალებით მომსახურების სახელმწიფო შესყიდვის წინამდებარე ხელშეკრულება იდება შემსყიდველისთვის „საქართველოს 2013 წლის სახელმწიფო ბიუჯეტის შესახებ“ საქართველოს კანონით გამოყოფილი ასიგნებების ფარგლებში, „სახელმწიფო შესყიდვის შესახებ“ საქართველოს კანონის მოთხოვნების, საკონკურსო დოკუმენტაციაში მოცემული ხელშეკრულების პროექტის, შემსყიდველის მოთხოვნების და კონკურსში (N ----) გამარჯვებული პრეტენდენტის წინადადების შესაბამისად.

მუხლი 3. ხელშეკრულების საგანი

- 3.1. ხელშეკრულების საგანს წარმოადგენს საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს მიერ -საქართველოს 2013 წლის სახელმწიფო ბიუჯეტის შესახებ~ საქართველოს კანონით გამოყოფილი ასიგნებების ფარგლებში არქიტექტურული და საპროექტო-სახარჯთაღრიცხვო მომსახურების შესყიდვა;
- 3.2. CPV 71242000 - „პროექტისა და გეგმის მომზადება, ხარჯების გამოთვლა“;
- 3.3. შესყიდვის საშუალებად გამოყენებულია „ელექტრონული კონკურსი“.

მუხლი 4. ხელშეკრულების ღირებულება (ფასი)

4.1. მომსახურების შესყიდვის საერთო ღირებულება შეადგენს ---- (-----ლარი) ლარს. საქართველოში მოქმედი კანონმდებლობით გათვალისწინებული გადასახადების, მოსაკრებლებისა და სხვა გადასახადების გათვალისწინებით;

4.2. ხელშეკრულებით გათვალისწინებული მომსახურების ღირებულება არ შეიძლება აღემატებოდეს კონკურსში გამარჯვებული პრეტენდენტის მიერ სისტემის მეშვეობით დაფიქსირებულ საბოლოო ფასს;

4.3. წინამდებარე ხელშეკრულებაში დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს და მისი გაზრდა ხელშეკრულების მოქმედების მთელი პერიოდის განმავლობაში დაუშვებელია;

4.4. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით, მხოლოდ ხელშეკრულების პირობებში მითითებულ შემთხვევებში და ზომით;

4.5. მომსახურების მიწოდების ადგილია ქ. თბილისი თამარაშვილის ქ. N15ა;

მუხლი 5. მომსახურების გაწევის ვადა

მომსახურების მიწოდება განხორციელდება ხელშეკრულების ხელმოწერიდან **10 (ათი) სამუშაო** დღემდე ვადაში.

მუხლი 6. ხელშეკრულების მოქმედების ვადა

ხელშეკრულება ძალაშია და მოქმედებს მისი ხელმოწერიდან 2013 წლის 31 დეკემბრამდე.

მუხლი 7. მხარეთა უფლება-მოვალეობანი

7.1. „მიმწოდებელი“ ვალდებულია:

7.1.1. წინამდებარე ხელშეკრულების და საკონკურსო წინადადებით დადგენილი პირობების შესაბამისად განახორციელოს მომსახურების მიწოდება. იგი პასუხისმგებელია მიწოდებული მომსახურების ხარისხზე და დროულობაზე, პასუხს აგებს და სრულად უნაზღაურებს „შემსყიდველს“ მისთვის მიყენებულ ზარალს;

7.1.2. შესყიდვის ობიექტის (მისი ნაწილის, ეტაპის) მიღებისას გამოვლენილი წუნი ან/და უზუსტობა აღმოფხვრას საკუთარი ხარჯებით, შესაბამისი დოკუმენტაციის წარმოდგენიდან 5 (ხუთი) კალენდარულ დღემდე ვადაში;

7.1.3. შემსყიდველის წერილობით მოთხოვნისთანავე (საჭიროების შემთხვევაში) ჩაერთოს სამშენებლო-სარემონტო სამუშაოების მიმდინარეობის პროცესში და საკუთარი სახსრებით გამოასწოროს მის მიერ პროექტირებისას გათვალისწინებული პირობები, რომლებიც გამოვლინდა სამუშაოების მიმდინარეობისას;

7.2. „მიმწოდებელი“ ვალდებულია შეადგინოს და მიაწოდოს „შემსყიდველს“:

7.2.1. სამუშაოების ჩასატარებლად საჭირო აზომვითი და საპროექტო-სახარჯთაღრიცხვო დოკუმენტაცია;

7.3. „მიმწოდებელი“ პასუხს აგებს მოქმედი კანონმდებლობით გათვალისწინებული გადასახადების, მოსაკრებლების და სხვა შესაბამისი გადასახადების დროულ გადახდაზე;

7.4. მიმწოდებელი უფლებამოსილია, საპროექტო-სახარჯთაღრიცხვო დოკუმენტაციის შედგენისას გამოიყენოს საერთაშორისო სატანდარტების შესაბამისად დადგენილი ინოვაციური ტექნოლოგიები, რომლებიც ალტერნატიული სამშენებლო მასალების და მოწინავე ტექნოლოგიების გამოყენების ხარჯზე გააიარებს პროექტის სახარჯთაღრიცხვო ღირებულებას და შეინარჩუნებს ან გააუმჯობესებს შესასრულებელი სამუშაოს ხარისხობრივ მაჩვენებლებს.

7.5. „შემსყიდველი“ ვალდებულია მიმწოდებლის მიერ ხელშეკრულებით ნაკისრი და შესრულებული ვალდებულებები აანაზღაუროს სრულად;

7.6. „შემსყიდველი“ არ აგებს პასუხს „მიმწოდებლის“ მიერ მესამე პირის მიმართ ნაკისრ ვალდებულებებზე, მესამე პირისათვის მიყენებულ ზიანზე ან/და ზარალზე;

7.7. შემსყიდველი უფლებამოსილია, საპროექტო-სახარჯთაღრიცხვო დოკუმენტაციის შედგენა-მიწოდების და მათ საფუძველზე განსახორციელებელი სამშენებლო-სარემონტო სამუშაოების დასრულებამდე პერიოდში, ნებისმიერ ეტაპზე მოიწვიოს შემსრულებელი, საკონსულტაციო მომსახურების და შედგენილ დოკუმენტაციაში კორექტივების განსახორციელებლად, რაიმე დამატებითი ანაზღაურების გაწევის გარეშე.

მუხლი 8. მომსახურების მიღება-ჩაბარების წესი

8.1. შესყიდვის ობიექტი ან მისი ნაწილი (ეტაპი) ჩაითვლება მიღებულად (მიწოდებულად) მხოლოდ შესაბამისი „მიღება-ჩაბარების“ აქტის გაფორმების და მოქმედი კანონმდებლობით გათვალისწინებული დოკუმენტაციის წარმოდგენის შემდეგ, თუ ხელშეკრულების პირობებით სხვა რამ არ არის გათვალისწინებული;

8.2. შესყიდვის ობიექტის მიღება-ჩაბარების და საბოლოო შემოწმების ადგილი, პირობები, ეტაპები და წესი ასახულია ხელშეკრულების პირობებში;

8.3. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგებით დაწუნებული მომსახურების ან/და მისი ნაწილის (ეტაპის) თაობაზე და მიუთითოს წუნდების მიზეზები;

8.4. შემსყიდველს შეუძლია უარი განაცხადოს შესყიდვის ობიექტის ან მისი ნაწილის (ეტაპის) მიღებაზე იმ შემთხვევაშიც, თუ შუალედური კონტროლის (მონიტორინგის) შედეგები იყო დადებითი;

8.5. მიღება-ჩაბარების აქტზე ხელის მოწერას შემსყიდველის მხრიდან უზრუნველყოფს დევნილთა დეპარტამენტის ტექნიკური ზედამხედველობის სამმართველო.

მუხლი 9. ხელშეკრულების ინსპექტირების პირობები

9.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს მომსახურების შესყიდვის მიმდინარეობის შესაბამისობის შემოწმება ხელშეკრულებით და საკონკურსო პირობებით გათვალისწინებულ მოთხოვნებთან;

9.2. „შემსყიდველის“ მხრიდან ხელშეკრულებით გათვალისწინებული მოთხოვნების შესაბამისობის ინსპექტირებას (მონიტორინგი) განახორციელებს დევნილთა დეპარტამენტის ტექნიკური ზედამხედველობის

სამმართველო (შემდგომში - სამმართველო), ხოლო საჭიროების შემთხვევაში - სამმართველო და მიმწოდებელი ერთობლივად;

9.3. შემოწმების შედეგად გამოვლენილი ნებისმიერი წუნის ან/და უზუსტობა შესახებ „შემსყიდველი“ დაუყოვნებლივ აცნობებს მიმწოდებელს წუნდების მიზეზების მითითებით, ხოლო გამოვლენილი წუნის ან/და უზუსტობის აღმოფხვრასთან დაკავშირებული ხარჯების ანაზღაურებას უზრუნველყოფს „მიმწოდებელი“, საქართველოს კანონმდებლობით დადგენილი წესით.

მუხლი 10. მიწოდებული მომსახურების ხარისხი და გარანტია

10.1. „მიმწოდებელი“ იძლევა გარანტიას, რომ საკონკურსო პირობებით განსაზღვრული ტექნიკური დავალების მიხედვით მიწოდებული მომსახურება იქნება მაღალი ხარისხის და საერთაშორისო სტანდარტების შესაბამისი;

10.2. მიმწოდებელი ვალდებულია შემსყიდველის წერილობითი შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება, შემსყიდველის მხრიდან რაიმე დამატებითი დანახარჯების გაწევის გარეშე;

10.3. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსასწორებლად და მოთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისთვის გადასახდელი თანხიდან;

10.4. ხელშეკრულებით გათვალისწინებული ვალდებულების შესრულების ვადების დარღვევის შემთხვევაში, „მიმწოდებელს“ დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების საერთო ღირებულების 0,5%-ის ოდენობით, მაგრამ არა უმეტეს სახელშეკრულებო ღირებულების 80%-ისა;

10.5. ხელშეკრულებით ნაკისრი ვალდებულებების არასრულად შესრულების შემთხვევაში, „მიმწოდებელს“ დაეკისრება საჯარო სანქცია ხელშეკრულების ღირებულების 20%-ის ოდენობით;

11. ხელშეკრულების შესრულების გარანტია ან დაზღვევა

ხელშეკრულების შესრულების გარანტიის ან დაზღვევის მოთხოვნა სავალდებულოა თუ ხელშეკრულების საერთო ღირებულება შეადგენს ან აღემატება 200 000 ლარს, ხოლო თუ ხელშეკრულების საერთო ღირებულება ნაკლებია 200 000 ლარზე, ხელშეკრულების შესრულების გარანტიის ან დაზღვევის მოთხოვნა დაუშვებელია.

მუხლი 12. ანგარიშსწორების ფორმა, გრაფიკი (ვადა) და ადგილი

12.1. ანგარიშსწორება ხორციელდება უნაღდო ანგარიშსწორებით, საქართველოს ეროვნულ ვალუტაში „ლარი“;

12.2. გაწეული მომსახურების ანაზღაურება განხორციელდება, მიღება-ჩაბარების აქტის გაფორმების და მოქმედი კანონმდებლობით გათვალისწინებული დოკუმენტაციის წარმოდგენის შემდეგ, 20 (ოცი) კალენდარული დღის ვადაში;

12.3. ანაზღაურების ადგილია ქალაქი თბილისი.

13. მომსახურების გაწევის პირობები

13.1. მომსახურების გაწევა ხორციელდება მიმწოდებლის საკონკურსო წინადადებაში ასახული ან/და წინამდებარე ხელშეკრულებით დადგენილი მიწოდების გრაფიკის (ასეთის არსებობის შემთხვევაში) შესაბამისად;

13.2. ხელშეკრულების პირობებში დაფიქსირებული პერიოდულობით (ვადებში) შემსყიდველი და მიმწოდებელი ერთობლივად განიხილავენ გრაფიკის შესრულების მიმდინარეობის საკითხებს და საჭიროების შემთხვევაში ურთიერთშეთანხმების საფუძველზე, წერილობითი ფორმით, შეაქვთ გრაფიკში სათანადო ცვლილებები.

13.3. ხელშეკრულების დამდებ არც ერთი მხარეს არა აქვს უფლება შეიტანოს გრაფიკში ცვლილებები მეორე მხარესთან წერილობითი შეთანხმების გარეშე.

მუხლი 14. ხელშეკრულებაში ცვლილების/დამატების შეტანა

14.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები;

14.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს. ამავე დროს, „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულება იმ გარემოებებთან დაკავშირებით, რის გამოც წარმოიშვა ხელშეკრულების პირობების შეცვლის აუცილებლობა;

14.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმება) სახით, რომელიც იქნება ხელშეკრულების განუყოფელი ნაწილი;

14.4. კონკურსით შესყიდვის ხელშეკრულებაში ნებისმიერი ცვლილება/დამატება უნდა გაფორმდეს წერილობითი ფორმით და აიტვირთოს სახელმწიფო შესყიდვების ელექტრონულ სისტემაში ხელშეკრულებაში ცვლილების/დამატების შეტანიდან არა უგვიანეს მომდევნო სამუშაო დღისა.

14.5. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.6. „საქართველოს სამოქალაქო კოდექსის“ 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 15. უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

მუხლი 16. ფორს-მაჟორი

ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების (საქართველოს კანონმდებლობით დადგენილი ფორს-მაჟორული გარემოებები) დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

მუხლი 17. მხარეთა პასუხისმგებლობა ხელშეკრულების პირობების დარღვევისათვის

ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად.

მუხლი 18. ხელშეკრულებიდან გასვლა

18.1. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით;

18.2. ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება ეს ხელშეკრულება და მოქმედი კანონმდებლობის მოთხოვნები.

მუხლი 19. დავების გადაწყვეტის წესი

ხელშეკრულების დამდები მხარეები თანხმდებიან მასზედ, რომ პირდაპირი არაოფიციალური მოლაპარაკებების მეშვეობით მოაგვარებენ მათ შორის წარმოქმნილ ნებისმიერ უთანხმოებას და დავას, ხოლო შეუთანხმებლობის შემთხვევაში - მიმართავენ სასამართლოს, საქართველოში მოქმედი კანონმდებლობის შესაბამისად.

მუხლი 20. ხელშეკრულების ენა

20.1. წინამდებარე ხელშეკრულება დადებულია ქართულ ენაზე.

20.2. ხელშეკრულებასთან დაკავშირებული წერილობითი და სხვა დოკუმენტაცია, რომელიც გაიცვლება მხარეთა შორის უნდა შედგეს ქართულ ენაზე;

20.3. ხელშეკრულება შედგენილია ქართულ ენაზე 3 ეგზემპლარად და სამივეს აქვს თანაბარი იურიდიული ძალა.

მუხლი 21. მხარეთა რეკვიზიტები

შემსყიდველი:

მიმწოდებელი:

